


T 2816/3203

v.4

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
AUG 22 1939



欽定平定臺灣紀畧卷三



正月十五日甲申常青奏言十二月二十七日接

到署守備陳邦光兩稟一稱林爽文等於十一

月二十七夜搶劫大墩營盤遊擊耿世文等全

軍俱陷二十九日卽攻入彰化縣城知府孫景

燧理番同知長庚前署彰化縣事俸滿同知劉

亨基署典史事鹿仔港巡檢馮啟宗北協中營

金定平定臺灣卷三
都司王宗武及弁兵數十人俱被殺害復來犯
鹿仔港并分擾淡水諸邑賊黨蔓延難以抵禦
懇卽興師救援一稱十八日有咳哈等莊賊匪
謀犯鹿仔港陳邦光傳會泉粵義民預先埋伏
隨令義民百餘誘賊至埋伏處所兩頭夾攻殺
賊百餘名焚燬咳哈涌仔內灣二八水等處賊
莊又約牛馬頭等莊義民於二十日辰刻由沙

輓進攻水裡大肚茄投等賊巢并率義民襲後
追逐至貓霧揀賊匪退踞烏日莊緣該處有大
溪阻隔不能飛渡各等情又於十二日午刻率
同各義民從鹿仔港抵彰賊匪聞知隨出西門
外施放鎗砲陳邦光令義民分爲兩隊攻殺賊
人退走當卽擒獲執旗之僞副元帥楊振國僞
協鎮高文麟僞先鋒陳高僞辦理水師軍務楊

軒等四名殺死賊夥百餘名獲馬二匹砲位刀械八十餘件餘賊四散奔逃陳邦光入城查看有叅革前任彰化縣知縣張貞生丁憂典史李爾和教諭王梁訓導陳琬被羈未釋并居民舖戶受困在內因彰城逼近賊巢民心驚惶各義民又無糧食可支難以駐劄隨護衛受困官親及居民男婦一同回至鹿港集守又將擒獲偽

官楊振國等四名押回鹿仔港裝入檻車交丁憂典史李爾和受傷之北協外委許瑪分撥兵丁配船解送泉州聽候勘訊又續據陳邦光稟稱二十三日林爽文黨羽陳泮吳領等燒燬泉粵民莊隨率義民前往追捕殺死賊夥三十餘名拾獲紅旗器械四十餘件查陳泮吳領與林爽文同惡相濟均應一併勦滅以絕根株但南

北投虎仔坑等處阻隔溪河必得三面夾攻方能克勝今各義民俱肯奮力捕匪惟因利器無多且鹿仔港地方距虎仔坑尚有七八十里現在鼓舞眾義民同守鹿仔港彰城一面出巡查捕等情查該署備節次撲捕賊匪及義民等同心協力俱屬奮勇可嘉俟分別查明請

旨優獎據解逆犯四名臣現委員飛赴迎提即於泉

州審明辦理再查漳匪作孽泉粵之人素與為仇到處俱有義民共相抵禦不獨現在足資保護即將來收拏匪犯亦可得力臣於淡水鹿港鹿耳俱已發有簡明告示派員分赴各處遍貼曉諭以勵眾志而固人心至水師提臣黃仕簡自金門收泊料羅續於二十八日又自料羅放洋計期兩三日內即可前抵鹿耳陸路提臣任

承恩係由蚶江出口亦於二十八日放洋旋因風雨驟作寄泊臭塗澳外該處與鹿仔港相對一俟風定即可揚帆直達惟是賊情猖獗到處蔓延自澎湖至鹿耳門係屬臺郡咽喉尤宜厚集兵力臣前經續調督撫標兵一千名原令由南臺出口前往鹿耳以備策應第恐海道紆迴風汛難定適預備之延建兵一千名亦已分起

前來因令督撫標兵仍駐省城防守將延建兵一千名派延平協副將林天洛管帶由陸路兼程赴廈並派先經調來之汀州鎮總兵普吉保統率登舟又於水師提標五營內預備兵丁六百名派令興化協副將格縹額帶領亦從廈門配船飛渡均由鹿耳赴臺隨同水師提臣協力進勦至續派之福寧鎮及銅山羅源等營共兵

一千名亦催令陸續繼進奏入

上命軍機大臣傳諭常青黃仕簡任承恩徐嗣曾曰賊匪等敢用鎗礮攻犯城池罪大惡極不特首惡之父兄妻子應行緣坐卽如現在拏獲之楊振國等四犯俱曾受僞職並與官兵抗拒者亦應一例緣坐該犯等係漳州民人其家屬想仍在內地若此時遽行查辦恐漳民間而生駭轉多未便著常

青侯楊振國等四犯解到時訊明各要犯家屬下落密爲存記俟黃仕簡等在臺搜捕賊匪事竣大兵撤回時按名查拏辦理自無虞其免脫漏網至署守備陳邦光督率兵民殺退賊衆並擒獲賊目解送內地審辦尚屬奮勇可嘉著常青於事竣後查明給咨送部引見其義民鄉勇等亦著分別旌賞以示獎勵至賊匪滋擾鳳山時叅將瑚圖里乘

馬追賊轉被賊人乘虛撲入城內兵丁衝散瑚圖里由南而去不知下落是該叅將之不能抵禦賊衆由於兵散與臨陣退縮者不同此時尚可不治以委城而去之罪若該叅將能收集兵民再行出力殺賊則其功罪足相抵統俟常青於事竣後查明具奏到日再行核辦其知縣湯大奎雖未能堵賊守城但既經自刎究屬可憫亦應查明議卹至

黃仕簡與任承恩因海洋風色不順難涉險輕進朕亦不責以遲延計此時各路大兵俱已早到黃仕簡等務宜督率兵弁分路會勦奮勇勦賊速奏歲功

上又命軍機大臣傳諭李侍堯曰謀逆首犯與各要犯家屬均當一律緣坐但該犯等俱係漳州民人其家屬想仍在內地著將常青奏到之摺并所降

諭旨抄錄一分寄與李侍堯閱看以便該督到閩時遵辦其署守備陳邦光如何出力及叅將瑚圖里作何下落之處如李侍堯到彼常青未及查辦著該督查明分別具奏

十八日丁巳孫士毅奏言聞臺匪糾衆滋事已將

調撥弁兵等事料理停妥兼程赴潮並密札該處鎮將等暗行訪查凡在漳泉等處游食民人

有回潮形跡可疑者一面盤詰一面拘管無許

輕易釋放奏入

上命軍機大臣傳諭孫士毅曰現在臺灣勦捕賊匪卽有粵東義民在彼幫同官兵出力殺賊者此時如有回潮民人正係不肯從賊及避亂回籍之人該督應令地方官收恤安慰何得轉令拘管不准釋放是毆良民轉令從賊更屬不成事體著傳旨

嚴行申飭該督係軍機司員出身曾經隨同出兵
非若未經軍務者可比乃於事體輕重毫無定見
適足爲朕所輕矣孫士毅當於該處明白曉諭以
此事辦理錯悞現奉諭旨訓飭所有回潮民人仍
俱各安生業毋須拘管俾該處民人安居樂業不
致驚疑設遇有漳州臺匪餘黨竄匿粵省自應訪
拏究辦

臣等謹案督臣孫士毅因搜訪逸匪並令遇有
回潮民人概行拘管止知緝捕爲亟而不覺失
於太過設臺灣被難之人聞信不敢回籍誠如
聖諭良民或轉致從賊更復成何事體蒙

皇上傳旨嚴飭並明示以回潮之民正係不肯從賊
其避難回籍者應令地方官收恤安撫

聖慈寬大如覆載之無所不容粵莊義民等所由聞

風感勵協同官兵勦捕始終不懈益徵

德化之入人者深也

二十日巳常青奏言據臺地文武將賊目高文

麟等管解到泉親提研訊緣高文麟楊軒素與

逆首林爽文往來楊振國即楊咏係彰化縣差

役陳高係與逆黨劉賢士認識逆犯林爽文住

居彰化大里杙莊恃其山路險僻丁族衆多平

日窩賊搶竊擾害良民並恐官府訪拏樹黨結

會共相幫護凡人會者令其對天跪地立誓並

不寫帖立簿只以舉指爲號經彰化縣知縣俞

峻訪聞差役楊咏往拘因林爽文先曾犯竊被

獲即係楊咏得錢賣放該縣將楊咏責比收禁

并訪知楊光勳案內逸犯張烈等五名亦逃避

林爽文莊內該縣以各犯恃衆負固稟知鎮道

帶兵搜拏林爽文乘莊衆驚懼遂起意拒官糾
合同會莊衆殺害知縣副將遊擊兵役多人復
思攻佔縣城可與官兵抵禦卽於沿路糾邀無
賴匪徒三四千人於十一月二十九日攻破彰
化林爽文旣得縣城自稱盟主大元帥并搶奪
店舖綢布豎立旗號書寫順天字樣其現獲之
楊咏林爽文念其從前賣放之情許爲副元帥

高文麟許爲總爺楊軒委辦軍務各賊卽分路
往攻諸羅淡水留高文麟等帶同匪黨數百人
保守彰化旋經鹿仔港守備陳邦光並泉州義
民林湊林文濬黃奠邦許伯達等募集鄉勇同
往攻殺賊衆紛散將逆犯高文麟等四名擒獲
押解來泉該犯等膽敢從賊肆擾攻佔城池領
受僞職實屬罪大惡極不容一刻稽誅但案關

大逆應請交刑部再行確審因解送省城交撫
臣徐嗣曾遴委委員管解并飭沿途倍加防護
以保無虞其押犯來泉之典史李爾和外委許
瑪情願仍回臺地協力勦賊將來視其功績另
予優敘義民林文濬協同押犯洵屬可嘉 臣當
卽給賞花紅銀兩以示鼓勵並令回臺傳示各
義民共加感奮又向該犯等詰問天地會起於

何時在會共若干人據楊咏楊軒同供天地會
是五十年十二月內有漳州平和縣人莊烟卽
嚴烟過臺來興起的聽得嚴烟說及起會的根
源是廣東有姓洪的和尚叫洪二房同一姓朱
的人起的洪二房和尚居住後溪鳳花亭不知
是何府縣地方姓朱的年纔十五六歲不知叫
什麼名字也不知住在那裡等語 臣因該犯等

既經嚴烟告知起會根由豈有未得詳細之理
再四詰其鳳花亭實在何處朱姓實係何名堅
稱不知查該犯等狡惡異常情詞閃爍四人本
籍多在漳屬其中自難保無勾連串結情事但
現在該處民情尚屬寧靜若一涉張皇轉恐驚
疑四起惟有密飭該鎮道等悉心訪察加意嚴
防俟臺匪蕩平以次查辦一面飛咨提臣卽於

臺地追究嚴烟下落再加確究至所稱廣東之

和尚洪二房及朱姓等尤關緊要臣隨派心腹

妥弁帶領咨文飛投廣東督撫二臣務期不動

聲色密查辦理又水師提臣黃仕簡於十二月

二十九日已抵澎湖風信順利三十日卽可由

鹿耳門進口陸路提臣任承恩暨所領官兵俱

於初四日在崇武澳得有順風一齊放洋奏入

金定平定臺灣紀略 卷三
上命軍機大臣傳諭常青徐嗣曾曰常青辦理此事
初時未免稍涉矜張嗣據該督等節次奏到調度
進剿各事宜辦理漸有主見至所獲匪犯朕意本
欲令其解京今該督於獲犯審明後卽請解京審
辦並鎮靜辦理各事宜皆與朕意適合不意常青
竟能如此甚屬可嘉至嚴烟籍隸漳州不難卽時
擒獲並著常青於拏獲該犯後一併妥速解京前

因該處善後事宜要緊恐常青究係初任因思李
侍堯外任有年較爲諳練是以降旨調任令其前
往辦理此時該督惟應督率弁兵於應行辦理之
事悉心調度以期迅速蒞事朕必加恩嘉獎更不
必以調任縈心稍存疑畏轉於剿捕無益現在黃
仕簡任承恩自必已到臺灣厚集兵勢合力剿捕
賊匪自無難立就殲滅一得捷音迅速馳奏

上又命軍機大臣傳諭孫士毅曰臺灣逆匪倡立會
各戕官佔城實屬罪大惡極至所供起會根由係
和尚洪二房並姓朱的俱是廣東人朱姓年祇十
五六歲何能糾衆匪徒興起會名輒敢有謀叛等
事恐卽係洪二房依附朱姓名目從中煽誘又如
從前朱一貴謀逆情事皆未可定不可不嚴行根
究著孫士毅查明後溪鳳花亭究在何府州縣卽

將和尚洪二房並朱姓嚴密緝迅速查拏一經
緝獲到案訊得確情卽一併派委委幹員役迅速
解京歸案審辦並著飭令沿途地方一體小心押
送毋得稍有疎虞

同日汀州鎮總兵普吉保奏言前接撫

臣

來咨

酌調汀州邵武官兵前赴汀州府屬之永定上
杭二縣駐劄聽候進剿卽於汀標三營派撥兵

丁五百名自汀起行一面飛調邵武都司定柱

帶兵三百名駐劄上杭臣亦前抵永定彈壓督

臣調臣赴泉密商機務隨卽日起身途次復接

督臣來文鳳山縣亦被賊匪攻陷望救孔急飛

調臣統領建寧延平二處兵丁一千名水師提

標兵六百名由廈門配船飛渡鹿耳門進剿臣

於正月初三日到泉查延建官兵尚未到隨與

督臣面商臺郡現在危急不可稍待臣卽於初

四日由泉星馳赴廈將水提標兵六百名先行

配船飛渡其延建官兵飛催接續赴廈渡臺統

領合剿奏入報

聞會商

二十一日庚寅

上命軍機大臣傳諭李侍堯曰臺灣地方自康熙年

間始隸版圖因遠隔海洋該處府廳各縣俱未建
立城垣後經朱一貴聚眾滋事平定後總督滿保
會議建城惟時以地處海外無城雖難於防守然
失之易復之亦易是以未經建立以節煩費但該
處久成郡縣與內地無異而城圍尚相沿用竹木
編插不足以垂久遠且此次林爽文糾眾猝起縣
城遂被砍破究由薊竹不能防禦所致朕意與其

失之復取既煩我兵力又駭眾聽聞何如有城可
守而勿失更爲有備無虞乎况方今國帑充盈該
處郡城廳縣不過五處卽建立城垣動用不過百
萬何惜而不爲至建立城垣該處可立窑座或用
外磚內土之法如窑座不便該處遍地皆山卽開
採石料以代磚工更爲鞏固著李侍堯於臺匪蕩
平之後詳細熟商歸入善後事宜案內一併妥議

勘估繪圖具奏

上又命軍機大臣傳諭劉峩長麟閔鶚元琅玕徐嗣曾曰高文麟等係臺匪案內領受僞職要犯必須解京嚴行究訊盡法懲治著沿途各督撫於該犯等到境時務須遴委妥員多派兵役小心防範迅速解京毋致中途稍有疎虞致干咎戾

二十二日

辛卯

徐嗣曾奏言准督

臣

咨商將

臣

預

調之延建兵一千名及督

臣

續調福寧各鎮營

兵一千名俱令由陸路赴廈徑進鹿耳門爲提

臣

黃仕簡一路接應俱經陸續到廈總兵郝壯

猷於十二月二十二日放洋副將徐鼎士等於

十二月二十二日自南臺下船至閩安屢次放

洋俱被風阻

臣

於初八日親赴督催該副將等

已先於初七日放洋

臣

親至五虎門瞭望一帶

洋面並無船隻停擱閩安等處地方緊要

臣卽

順道將沿海各口岸逐一履看其況兵單少之

處先經

臣

於省標內派兵二百名前赴增駐以

資截拏現在巡防甚爲嚴密昨據興泉道萬鍾

傑稟報差探賊分南北二路攻犯臺灣郡城適

澎湖遊擊蔡攀龍領兵到臺自十八九至二十

二連日打仗得勝二十五日夜賊自北路來攻

柴大紀督同護安平協林光玉等施放大礮賊

俱退避等語茲提

臣

黃仕簡任承恩各路官兵

先後抵臺烏合之衆自必立就撲滅特勦捕之

時若逃入臺地內山官兵長圍攻逼搜拏不患

不淨惟海洋瞬息千里倘賊匪竄逸內渡或恐

漏網現已飛咨水陸提

臣

及領兵鎮將一面勦

殺賊匪一面卽於沿海汊港搜拏賊船先行燒

沉淨盡預絕其遠颺之路而漳州一屬係賊匪

原籍誠慮有勾串連結情事臣密札該道朱莞

會知府黃彬不動聲色妥為防範復會同督臣

出示曉諭以賊匪雖係漳人其在臺滋事與原

籍親屬毫無干涉惟藏頓隱匿例應同罪將來

賊匪潛逃回籍即捕獲首報并懸賞格剴切曉

諭至渡臺官兵配坐戰船之外需用商船皆係

原價雇備應給兵糧亦皆動碾倉穀惟漳泉一

帶民食素資臺米今商販不繼恐致糧價稍昂

現在設法招商運赴下游糶濟其過兵處所俱

飭令大員妥為經理並無絲毫擾累民間體訪

輿情各俱安貼奏入

上命軍機大臣傳諭李侍堯常青徐嗣曾曰地方偶

有聚眾滋事之處總督既經前往巡撫自當在省

靜鎮不應輕離會城以致人心疑駭昨孫士毅奏
親赴潮州彈壓今徐嗣曾復有前往閩安之奏惟
知出力急公而不權事體之輕重緩急朕並不嘉
其不辭勞苦轉爲朕所鄙矣此時各路官兵自早
已分頭會剿賊匪無難立就殲滅惟竄匿賊黨恐
有逃至內地者當於各海口不動聲色嚴行防範
截拏此則徐嗣曾應辦之事該撫務督飭所屬嚴

行妥辦不可張皇疎忽如得有剿賊情形信息仍
著由驛迅速具奏

二十三日

壬辰

南澳鎮總兵陸廷柱奏言前准福

建提

臣

黃仕簡札酌派南澳左營兵丁預備調

用隨即就每營飭挑備戰兵丁各三百名預備

調遣應援嗣又准兩廣總督札將先派水師一

千名帶領竟由陸路直抵廈門聽候閩浙總督

調遣等因隨卽檄調署澄海協就近抵澳彈壓

地方并飛飭各官兵星夜兼程赴厦臣卽於初

六日戌時登舟渡海前往厦門聽候調遣奏入

報

聞

二十四日癸巳孫士毅奏言途次接准閩省咨會

令粵省派兵二三千名於本省交界處所駐劄

預備徵調臣思水師一項若待徵調始行就道

恐海洋風信靡常守候稽延是以擬將派定附

近潮州之水師兵一千名先委將弁統領徑由

閩省詔安縣陸路前抵厦門聽候閩浙督臣常

青調遣此外水師五百名陸路一千五百名照

依閩省來咨調集交界地方俟有徵調再行起

程至碣石鎮標水師五百名南澳右營及澄海

海門水師五百名分起接續前進署提臣彭承

堯護惠潮道顧聲雷已於正月初八日先赴黃

岡地方稽查彈壓臣卽於正月初九日親赴閩

粵交界處督率照料點送出境按照兵數每名

令其裹帶一月口糧以備緩急應用其水師一

千名應得出兵分例臣於藩庫內支項酌給統

俟蕪事後照例覈實報銷此外現在交界處等

候之水陸兵二千名尚未赴閩每日給以口糧

其應得出兵分例暫緩給領再臣風聞有福建

興化泉州及廣東潮州之在臺貿易客民聚眾

數千人隨同官兵奮力拒賊彼此互有殺傷等

因臣卽乘機出示剴切曉諭潮民俾知感動仍

暗加密訪如有潮屬民人在臺入夥從逆究出

姓名卽與叛逆奸匪一律從嚴辦理緣潮郡民

人在臺貿易者頗多如此分別良歹明示勸懲

庶幾將來知所趨向并俟兵事略戢臣卽咨會

閩省督撫分晰查明移知粵省辦理再臣派撥

南澳各營水師兵一千名先赴廈門聽候調遣

署提臣彭承堯咨商請以南澳鎮總兵陸廷柱

統領前往臣以南澳緊接臺灣地方緊要該鎮

未便遠離是以飛調左翼鎮李化龍領兵仍令

陸廷柱留營督率防範茲接該鎮陸廷柱呈報

先已稟知閩浙督臣自願赴臺剿賊復准署提

臣彭承堯咨調領兵之文卽於正月初六日馳

赴廈門聽調等語是該鎮未接改委文行一聞

調派星速起程尚屬勇往且該鎮曾任臺灣彼

處情形熟悉軍營多一得力之人更爲有益南

澳營務現有署澄海協廖光宇前往代理臣與

署提臣往來潮州黃岡澄海等處距南澳不遠
足資彈壓奏入

上命軍機大臣傳諭孫士毅常青李侍堯李世傑徐
嗣曾琅玕曰閱孫士毅摺內接准閩省咨會原不
過令其預備何嘗有徵調之語乃該督不揆事理
輕重率行派委將弁紛紛帶兵卽赴廈門實屬非
是辦一烏合匪犯遽行令廣東浙江江南等省紛

紛徵調成何事體外省習氣非失之懈弛卽過於
矜張偶遇地方此等事件率奏請親往以見其急
公勉力爲站脚地步全不計事體之緩急輕重及
騷動地方甚無謂也試思粵省巡撫現未回任該
督又遠赴潮州海疆重地關係緊要菱塘沙灣附
近省垣該督如此辦理張皇萬一有一二奸匪乘
勢鼓動又將何以應之乎孫士毅接奉前旨卽星

速回駐省城其所派水師一千名既已起身聽聞
省督提調遣若事已定卽令撤回其續派之兵俱
著撤回本營總以鎮靜地方安戢人心爲要

臣等謹按奸民倡亂之初若地方大吏稍涉張
皇百姓易生疑懼或恐別滋事端

皇上諄諄告誡屢

諭督撫提鎮等不動聲色處以鎮靜俾良善自安所

由軍行之際闔境安堵無驚洵綏戢之至計也

二十五日甲午常青奏言官兵出口屢被風阻收

泊各澳茲據報黃壯簡於十二月二十八日放
洋由鹿耳門前進任承恩於正月初四日放洋
由鹿仔港前進其由閩安出口之總兵郝壯猷
及副將徐鼎士等亦因風汛不順迄今並無抵
淡水信息現在福寧延建各兵亦俱接踵繼進

臣并令調來之汀州鎮總兵普吉保添帶水師
兵六百名由廈門出口並准兩廣督臣孫士毅

派撥粵兵一千名到廈協同進剿兵力已屬厚

集計此時兩提臣亦自必到臺分路攻剿至臺

郡情形接據探差稟報自十二月十八十九至

二十等日賊人往犯郡城經柴大紀同澎湖遊

擊蔡攀龍等帶兵打仗屢加殲戮城內聚集義

民鄉勇協同抵敵義民并不受值鄉勇日給錢

文人心甚固可保無虞其鹿仔港一路已據署

守備陳邦光率同泉粵義民殺退賊人協方固

守又淡水新莊之艋舺一帶亦經署都司易連

召募義民共相保護官兵到日義民響應自必

倍加奮勇即可剪除淨盡至內地各境俱皆寧

謐其餘沿海口岸嚴飭文武員弁實力巡查已

據漳浦縣羅澤坤稟報盤獲匪犯陳樵一名現
在飭提確究再查彰化縣俞峻係上年十月甫
經抵任實因緝拏賊匪致被戕害並無別項劣
蹟奏入報

聞

欽定平定臺灣紀畧卷三

欽定平定臺灣紀畧卷三

欽定平定臺灣紀畧卷四

正月二十七日

丙申

常青奏言遵

旨仍駐紮江廈門一帶調度策應務期鎮靜不敢少

動聲色時飭沿海文武員弁慎密巡查并與撫

臣曉諭居民懸立重賞遇有賊匪潛逃回籍捕

獲首報總不使餘孽得以漏網又南澳總兵陸

廷柱自願赴臺勦賊固屬急公勇往但南澳地

方緊接臺灣關係緊要今粵省之兵既已派有

李化龍帶領陸廷柱自可毋庸再往應飭令速

回本任

同日徐嗣曾奏言林爽文本係積賊因被拏情

急起意抗拒而游手無賴之徒乘機附和烏合

遂多茲據報提臣任承恩於正月初四日放洋

副將徐鼎士等係正月初八日放洋到臺即有

先後要亦不過數日之間提臣黃仕簡係十二

月二十八日放洋先由南路鹿耳門進發直抵

府城計其統轄之兵陸續已四千八百餘名兵

力已厚又鹿仔港北淡水兩路之兵接續前進

雖閩人不免慄輕而兵威愈壯三路夾攻必可

蕺事至賊匪林爽文係漳州人恐漳人因此自

望即疑今蒙

聖明指示無論何處民人從賊者卽係夥黨自應按
名駢戮果能應募拒賊卽係良民自應加以獎
賞不應預存岐視臣現已札飭該道府等榜示
城鄉明白開導現據漳浦縣羅澤坤稟報拏獲
匪犯陳樵訊係賊匪遣回探聽官兵消息業經
督上常青就近提審臣以賊匪遣人探信所遣
必不止一人并亦不止一處嚴飭各屬慎密查

拏此後竄逃偷渡回家亦必不少並飭加意防
範仍懸賞格諭令親屬鄰右捕拏首報至一應
軍行供支糧餉火藥等項督同司道妥速辦理
不敢稍有忽悞又聞黃仕簡抵臺後勦捕賊匪
開砲打死二千餘人賊俱星散奔逃內山合并
陳明再漳浦縣知縣羅澤坤浦城縣知縣鈕琨
均經部議降調查漳浦縣濱臨海洋所轄舊鎮

一澳與彰化縣之七鯤山相對民俗刁悍稽查
不易浦城縣爲上游入境首站有稽察文報之
事該二縣均不便驟易生手又莆田縣亦係濱
海要區候補知縣郭廷魁歷署繁缺俱能辦理
裕如臣現在委令前往署理但亦已緣事降調
懇准將羅澤坤鈕琨暫留漳浦浦城之任郭廷
魁暫署莆田縣事候勦匪事竣再行交卸又閩

安協副將徐鼎士亦緣事降調臣現今其帶印

領兵由閩安出口前赴淡水八里坌勦捕賊匪

均奏入

上命軍機大臣傳諭李侍堯常青徐嗣曾曰現在該
省兵差往來正需熟手所有降調人員自應留本
任以資駕輕就熟但該省似此等降調人員白必
尙有李侍堯到閩後應於勦捕事竣會同徐嗣曾

核其功過分別辦理此時祇須彙總咨部存案亦可毋庸逐員特奏也又徐嗣曾奏拏獲匪犯陳樵訊係賊匪遣回探聽官兵消息恐所遣不止一人亦不止一處現經督臣提犯審訊等語此應留心者該督等務須嚴飭各屬慎密查拏加意防範毋任竄逸偷渡

同日孫士毅奏言現在接准閩浙督臣常青咨

稱天地會根源起於粵東有和尚洪二房及朱姓人住居後溪鳳花亭不知何府何縣地方該犯楊咏等現已解京令臣密查辦理等因查天

地會名目起於逆犯林爽文而根源由於該二犯平日必係素為眾匪信奉親近之人實係何

府何縣人氏夥犯斷無不知之理臣一面飭屬

密速查拏一面札覆常青如再獲有他犯將洪

朱二犯籍貫究訊明確立即移知到_臣查拏更

易就_臣臆見總不離惠潮二府民人緣潮郡民

人赴臺貿易者多惠郡次之煽惑入夥事所應

有_臣於上年臘底即嚴飭惠潮二府州縣密查

平日曾經赴臺貿易之人此時曾否回家有無

別項詭秘蹤跡現據地方官拏獲數人未經究

有端倪今思洪姓朱姓此時或現在臺灣抗拒

官兵或已潛回粵東惟有即於此項貿易人內

切實追求自不難由影響而得實際_臣已就近

嚴諭潮屬州縣上緊設法偵拏此案逆犯將來

竄逸必多必須大員專司督辦已飛札臬司姚

棻星速赴潮不動聲色專辦緝拏匪犯一事省

城現無緊要案件藩司許祖京可以料理撫_臣

圖薩布二月中旬即可回任為期亦屬不遠又

派赴廈門聽候調遣之南澳右營及澄海海門營之兵丁五百名分作兩起先行其碣石鎮標之五百名現亦到齊接續前進計正月初十至十六日所有水師一千名俱全數入閩省境

同日左翼鎮總兵李化龍奏言抵閩粵交界之

黃岡地方經督臣孫士毅會同署提臣彭承堯

將派撥水師戰兵一千名配足軍火器械裹帶

一月口糧分作四起自初十日起間日行走計

十六日俱可入閩省詔安縣境臣察看弁兵俱

各精壯踴躍臣即定於十六日自黃岡起程統

領前往聽候閩浙督臣調遣均奏入報

聞

二十八日丁酉常青奏言聞提臣黃仕簡總兵郝

壯猷副將丁朝雄等所帶兵船俱於初三日自

澎湖開駕初四日進鹿耳門登岸提臣任承恩

統領各營官兵船隻於初六日齊抵鹿仔港查

臺灣郡城前經差探固守無虞其鹿仔港一路

署守備陳邦光率同日兵義民四處搜捕焚燬

賊巢復擒獲賊夥簡鳩劉實張文林天球林耽

朱開六名并聞北淡水署都司易連新莊巡檢

王增鏞統領弁兵招集義民屢次殺賊惟淡水

同知程峻竹塹巡檢張芝馨均已被害又廈門

同知劉嘉會稟稱賊人已知大兵將到紛紛散

去等語伏思賊匪本屬么膺烏合今兩提臣俱

經到臺南北兩路會合搜剿定可尅期殲滅臣

惟嚴飭內地沿海各口岸加緊巡查以防竄逸

并飛提獲解匪犯到泉究審辦理又浙粵二省

前經撫臣徐嗣曾咨請酌撥戰兵原係預爲准

備俾資策應旋准兩廣督臣孫士毅以臺地遠

隔重洋風汛靡定先撥官兵一千由陸來廈現

在尙未到齊臣計兩提臣捷音亦不日可到應

否再令前往俟得有確信隨宜斟酌其餘浙粵

備撥兵丁仍咨明該督撫各於本境暫駐毋庸

遽行赴閩致滋跋涉至逆首林爽文籍屬漳人

臣因慮漳民或有勾串情事但匪徒糾眾豈必

定為何處之人若漳泉民人果能應募拒賊即

係良民臣惟有核其順逆分別誅賞斷不存岐

視之見少露形跡以致漳民疑懼奏入

上命軍機大臣傳諭李侍堯常青曰昨據徐嗣曾奏

稱黃仕簡到臺後開砲打死賊匪二千餘人賊俱

星散奔逃內山等語內山係生番巢穴向聞遇有

內地民人到彼即行殺害但現在賊匪被官兵追

剿窮蹙逃竄明知一經官兵擒獲萬無生理或將所掠財物賄結生番容留藏匿或恃其人衆脅制生番而生番畏其克惡任聽竄處並恐將來撤兵後賊匪等轉勾結生番潛出滋擾更爲可慮猶不可不預行籌辦淨其萌孽現在水陸兩提督帶領多兵在臺會剿自應乘此兵力搜剿殲除勿令賊匪得以逃匿負隅但黃仕簡與任承恩均係提督

一同帶兵在彼辦理體制不相上下且水陸各有所轄難以統攝常青於辦理善後事宜自不如李侍堯之諳練而督率搜勦則常青爲優著李侍堯抵閩後卽駐劄蚶江常青卽親自渡臺督同黃仕簡統領官弁將竄入內山賊匪餘黨盡數搜捕務淨根株仍不得因追捕賊匪或致擾動生番方爲妥善其任承恩於常青抵臺後卽令先回本任以

資彈壓如此庶事權歸一有所責成現在湖廣有
舒常署理督篆常青無須急赴新任惟當督同黃
仕簡悉心妥辦鎮戢海疆以爲一勞永逸之計再
臺灣地方前聞楊景素在道員任內設立土牛分
別內地界其是否辦理妥協並著常青會同黃
仕簡於勦捕事竣後親往履勘斟酌妥善歸於善
後事宜內一併妥辦

二十九日

戊戌

常青奏言官兵登舟之後雖因風

阻不能迅速直達但節次探明臺灣郡城固守

無虞其鹿仔港及臺北之艋舺等境均有官兵

及義民人等互相保護較之從前朱一貴滋事

全臺失陷一案情形已屬不同且兩提臣俱經

率師前往更易辦理臣已傳知該提臣等務須

併力合攻以期一舉蕺事一俟得有收復各縣

及殲匪情形卽將拏獲首夥各犯該處迅速正法并將一切善後事宜留交黃仕簡辦理奏入上命軍機大臣傳諭李侍堯常青曰本日常青由六百里加緊奏到一摺以爲勦滅臺灣逆賊之信及至拆看祇係覆奏事件又何必由驛馳遞徒勞驛馬乎常青何不知事體輕重若此前曾有旨令藍元枚赴閩署理陸路提督並諭常青探聽臺地消息一俟蕙功卽可傳知藍元枚行抵何處速回江南本任今思任承恩在臺統兵會勦於該處情形皆所目擊而松江提督已有人署理現無緊要應辦之事著常青自抵臺後卽令任承恩迅速馳驛來京候朕面加詢問一切其福建陸路提督著藍元枚仍行署理毋須卽回江南本任至林爽文王芬二犯係此案首惡渠魁如經官兵生獲著該督

芬二犯係此案首惡渠魁如經官兵生獲著該督

等派委妥幹員弁解京審辦並飭該委員等沿途小心加意防範毋得稍有疎虞致干咎戾

上來二月初一日

巳亥

徐嗣曾奏言聞淡水守備董得

獲魁招集泉民勦捕賊匪十二月十八日有原署

省淡水同知程峻之幕友壽同春用計退賊會同

南俸滿巡檢李生椿及塹城書院掌教之原任榆

林縣知縣孫讓率勵義勇收復竹塹追獲賊匪

王作等三十餘人正法該守備馳往塹城協同

守禦又署淡水都司易連新莊巡檢王增鏞於

十二月二十三及二十六七八等日分路勦殺

大姑坑等處賊匪官兵義民各皆奮勇殺賊百

餘人數十人不等先後擒獲陳軒等十名正法

奪獲旗桿器械義民間有受傷賊匪雖屢經勦

殺旋散旋聚現聞提

臣

黃仕簡總兵郝壯猷皆

於初四日由鹿耳門登岸賊匪知大兵已到紛

紛散去黃仕簡定於十三日前往收復諸羅陸

路提臣任承恩初六日抵鹿仔港登岸亦定於

十三日分兵進剿查鹿仔港鹿耳門相距頗遠

兩提臣先後進口皆尅期於十三日剿賊正與

聖訓相符而鹿仔港署守備陳邦光於提臣任承恩

未到之先又擒獲賊匪簡鳩等六名鹿仔港與

北淡水相去較近徐鼎士等兵抵北淡水又復

適當其時三路圍攻自必一舉蕨事此時沿海

一帶猶宜嚴密截擊防其竄逸但賊匪內竄必

不敢由正口逕入自漳泉興化至福州福寧濱

海各縣汊港紛岐在在皆可偷渡臣先已嚴飭

文武員弁選撥兵役於凡可偷渡之處羅織巡

查現復通飭以賊匪洗蕩在卽加意堵防毋使

一名漏網至郡城既保守無虞而彰化淡水等處又有鄉勇義民協同勦禦大兵一到賊即紛紛逃潰不但無須隣省策應卽本省官兵亦不值多爲調派臣知識短淺身親其事不能辨晰實深感愧奏入

上命軍機大臣傳諭李侍堯常青徐嗣曾曰此等么磨賊匪原不過一時烏合現在黃仕簡任承恩督

兵會合搜勦自無難立時撲滅前因徐嗣曾輕離

省城恐致人心疑駭曾降旨飭諭此時人情大定

非同前比且大兵抵臺三路圍攻賊匪自必四散

潰竄恐有逃至原籍及內地者猶應於各口岸嚴

密截竄徐嗣曾不妨視其地方緊要間一親往各

處搜查前有旨令李侍堯抵閩後卽駐劄蚶江督

辦一切常青親自渡臺督同黃仕簡等搜勦賊匪

著傳諭該督等遵照妥協辦理常青抵臺後卽令
 任承恩迅速馳驛來京該提督輕於舉動未免跡
 涉張皇然究屬遇事勇往尙無不是今令其來京
 不過欲面詢臺地事宜常青可告知該提督毋庸
 心生疑懼且大兵汛臺三郡圍攻期自必四堵
 等謹案兵貴先聲制人兩提臣於到臺之始
 賊匪卽已望風驚潰小醜技倆於茲可見若能
 兩路定期會剿直如摧枯拉朽乃觀望遷延遂

使烏合之衆得乘暇廣爲糾集愈肆鳴張實屬
 有負臣任使賴我臣皇上神幾遠燭罰不旋踵是以臣天威震疊卽當迅掃賊氛也臣一面奏派臣會

初二日庚徐嗣曾奏言遣將調兵本應督臣主

政乃臣於派兵赴淡水一節因巡檢王增錚稟

大懇請救援迫切急求集事竟一面奏派一面咨會

督臣未及札商辦理事後捫心自訟實屬過涉

丑郵張皇近於越俎咎無可辭至督臣遇有公事悉

皆開誠剖示總以協力同心相爲期勉卽如臣

調兵赴淡水未及待督臣咨覆臣之錯謬已難

自解而督臣並不因此稍存意見惟以公事爲

重虛衷斟酌將所調省兵留省彈壓改用延建

之兵由陸赴廈悉皆往返札商議歸畫一至軍

需口糧鹽菜及裹帶戰糧軍火器械船隻人夫

等項先經與督臣酌定章程一切水陸運送均

無遺悞本日據廈防同知劉嘉會稟報官兵到

臺備賊匪紛紛散去定於十三日會剿收復諸羅

等處郡城內外今已照舊生理民情安堵等語

官兵尅期剿捕自必立就撲滅誠如

聖諭此時總以鎮靜內地嚴拏逸匪為要臣復又嚴

飭沿海文武員弁實力堵拏毋使竄逸

同日松江提督藍元枚奏言正月初八日自松

江起身晝夜兼程趨赴已於十九日馳抵福州

省城隨訪探臺匪情形自官兵陸續渡臺以後

賊眾即紛紛潰散現在郡城保守無虞兩提臣

尅期會剿自可即日蕝事但恐賊匪四出竄逸

逃入內山與生番勾結引藏搜捕不免有需時

日若偷渡各處海面山箐捷便之路無不可通

猶屬稽捕不易而臺灣語音與廣東之潮州相

同此時北風當令海道赴粵極順恐逆匪等猶

易於竄往臣現晤撫臣徐嗣曾詢知閩省各處

口岸已經設法嚴密偵緝臣抵泉後再當與督

臣常青實力查拏一面飛咨兩廣督撫提

臣等

并札飭文武員弁加意防緝不致一名漏網至

臣自入閩境以後察看一路民情俱各寧謐以

鄉語諮詢俱似不知有臺灣用兵之事省城亦

極寧帖均奏入

上命軍機大臣傳諭李侍堯常青藍元枚徐嗣曾曰

現在兩提督厚集兵力尅期會剿自必立時撲滅

惟前據徐嗣曾奏黃仕簡到臺後開砲打死賊匪

一千餘人賊俱奔逃內山而本日藍元枚亦奏及

賊匪竄入內山與生番勾結將來搜捕需時等語

內山雖係生番巢穴但賊匪窮蹙無歸或以賄結

或以勢脅生番容留藏匿將來大兵撤後潛出滋

擾猶屬不成事體該督等務須乘此兵力上緊搜

捕俾盡根株以靖海疆至賊首林爽文王芬二犯

及此外有名頭目如經官兵生獲卽選派員弁解
京審辦以彰憲典再前已降旨令任承恩俟常青
抵臺後卽馳驛來京陛見詢問該處情形其陸路
提督著藍元枚署理現在江南提督署理有人藍
元枚俟任承恩回任後再回江南本任

初四日寅柴大紀奏言彰屬賊匪林爽文王芬

攻陷諸彰二邑恃衆分路來攻郡城自本月初

九至十三連日堵禦殺退賊匪十四日子刻接

據臺灣道永福來札知鳳山又被賊陷隨飭游

擊蔡攀龍帶兵七百名守備邱能成帶兵三百

名往南剿捕以復鳳山乃出城未遠卽遇賊衆

來犯郡城當此盜賊蜂起南北交迫郡城爲全

臺根本倘有疎失恢復更難查郡城並無墻圍

惟以木柵籬竹環繞實不能固守必離城稍遠

於各總口扼其要害方克有濟臣相形度勢南

則桶盤棧地方距城十里餘可截南路賊衆兼

可以應大小東門飭遊擊蔡攀龍帶兵七百名

併南路叅將瑚圖里就此劄營東則舊萬壽亭

離城五里可禦中路之賊亦可以援大小南門

飭守備卬能成帶兵三百名李步雲帶兵二百

名就此劄營其沿海一帶飭守備林球帶兵二

百名把守三鯤身署守備張時泰駕船把守港

口併提標金門等標載班兵哨船六隻俱飭駛

在大港協守則安平旣嚴西門亦固至北路賊

匪雖多臣仍劄鹽埕橋獨當一面倘東南門有

急俱可隨時應援署遊擊王天植叅將宋鼎同

道府廳縣等督率兵民堅守四門遊擊鄭嵩在

城彈壓巡查前此城內民人聞風恐懼自鹽埕

連日戰勝莫不踴躍鼓舞共奮義勇出城助戰似此四面嚴守雖南北賊勢猖獗郡城可保無虞俟內地兵到隨即長驅前往力圖恢復奏入上命軍機大臣傳諭李侍堯常青徐嗣曾日前賊匪滋擾鳳山時瑚圖里縱馬由南而去不知下落朕以該叅將之不能抵禦由於兵散獨力難支與臨陣退縮者不同曾諭令常青俟事定後核其功罪

分別辦理今該叅將業已回至郡城率兵堵禦如果奮勉殺賊則功過尙足相抵著常青俟事竣後秉公核實具奏並給咨送京候詢問臺地一切情形再柴大紀摺內稱郡城並無墻圍惟以木柵籬竹環繞官兵難以固守等語前曾諭令李侍堯於臺匪蕩平後將是否可以建城之處酌量辦理今閱柴大紀所奏體察情形彰化等三縣一廳應否

改建城垣尚可俟籌辦善後事宜時確實勘估繪圖妥議請旨辦理至郡城爲全臺根本卽應速建城垣以資保障著李侍堯常青一俟事竣卽熟商

妥議一面奏聞一面與工辦理

庚初五日

癸卯

上命軍機大臣傳諭李侍堯曰從前辦理緬匪時曾調福建水師兵二千名隨同進剿該兵丁等沿途

滋事鞭責夫役甚至將民夫雙耳割去當將首犯

正法以示懲儆及隨京兵打仗時又復怯懦竟有

聞鎗砲聲恐懼戰慄欲泅水逃避者可見該省兵

丁勇於私鬪怯於公戰之習牢不可破皆由該省

將弁平日不能認真訓練以致軍無紀律著李侍

堯於剿捕臺匪事竣後實心訓練申明軍律隨時

懲創俾各弁兵共凜法紀有勇知方痛改從前積

習以作士氣而勵戎行方爲有備無患該督不可
惟知辦理地方事件爲重而轉置軍旅專責於不

問也

同日常青奏言現在水陸兩提_臣俱經到臺內

閣地加調官兵亦接續繼進兵力已屬厚集雖未

五接該提_臣等報有進剿情形已據廈門同知劉

嘉會差丁自臺回廈稱上年十二月二十六至

三十等日官兵與賊打仗殺死賊人甚多收奪

器械無數正月初四日黃仕簡官兵到臺賊匪

紛紛散去聞大兵現定十二三等日長驅會剿

郡城內外照舊生理民情安堵又據蚶江船戶

張淡等稟稱陸路提督於正月初六日到鹿仔

港上岸十一日殺死賊人七名祭旗各等語是

該提_臣等到臺之後已自相度情形會齊進剿

以期一舉蕺事正與不用零星打仗輕於嘗試
之

諭旨相符再臣與撫臣徐嗣曾共事日久一切地方

公務無不和衷辦理今臺灣遠隔重洋匪徒竊

發恨不滅此朝食臣與徐嗣曾俱有同心祇因

臣駐劄泉州距省較遠以致續調官兵稍有參

差並非各存意見况軍務猶關緊要臣不敢因

此生嫌至該處商民等保護地方率先向義洵

屬可嘉已咨水師提臣黃仕簡於事竣後逐一

查辦又提訊盤獲匪犯陳樵據供籍隸漳浦乾

隆五十一年六月渡臺在彰化縣大肚地方宰

猪營生與林爽文會黨許溪熟識許溪邀入天

地會陳樵應允十一月初二日該犯同郭蓋吳

帶陳榜吳汴李積郭却阮擇薛指林倚趙榮林

載生等共十二人齊赴麻園莊王芬家內入會
嗣林爽文攻破大墩營盤殺害官兵該犯係帶
竹篙鎗在場附和林爽文等懼內地發兵往剿
經許溪付給該犯番銀十圓囑令搭船內渡探
聽官兵十二月初二日陳樵赴大安港搭船於
二十八日飄至漳浦古利僻處上岸聽聞各處
查拏嚴緊不敢回家躲匿附近之陸鰲山內於

五十一年正月初三日經漳浦縣兵役拏獲至
天地會名色不知起自何時等語審明後卽將
該犯正法其家屬財產及在臺匪夥分飭嚴拏
照例辦理至漳浦縣羅澤坤於陳樵上岸潛匿
卽經會營拏獲應請免議其臺灣失察偷渡之
文武各職名仍俟查明另叅又彈壓臺灣府城
叅將宋鼎遊擊鄭嵩等因防守小北門把總高

大捷逃赴鹿耳門覓船內渡隨差外委鄭廷棟
前往鎖解到郡詰問據供懼賊勢猖獗欲赴內
地隨將高大捷卽行正法辦理尙屬妥協奏入
上命軍機大臣傳諭李侍堯常青徐嗣曾曰現在大
兵已到賊匪望風膽落潰逃四散黃仕簡任承恩
統領官兵尅期分路進剿捷音何以至今遲滯未
到林爽文等於光天化日之下糾衆不法攻佔城

池戕害文武官弁實屬罪大惡極神人共憤所有
逆惡渠魁及有名頭目務須按名擒拏殲戮如經
官兵生獲卽選派員弁解京盡法處治不可任其
逸入內山搜捕需時該督等更須窮究黨羽按名
從嚴辦理務使淨盡以靖海疆方爲妥善

上又諭內閣曰綠營惟怯積習最爲可惡在兵丁臨
陣脫逃已屬大干軍紀况高大捷身係把總當臺

金史卷之九十四 名四
匪滋事之時帶兵防守輒敢擅離郡城首先逃避
情罪更重自應立正典刑以肅軍令該叅將宋鼎
等一聞高大捷逃赴鹿耳門之信立即鎖解到郡
會同訊明正法所辦甚是武職中叅遊等官雖非
專閫大員於例不應專戮但行軍之際非尋常無
事時可比該叅將等能知事體輕重一經訊明脫
逃屬實卽會同該道將高大捷先行正法使在事

兵弁咸知儆畏甚屬能事可嘉宋鼎鄭嵩左淵王
天植俱交部議敘仍著事竣後俱給咨送部引見
向來逃兵拏獲尙且卽行正法况高大捷以武弁
委城脫逃猶爲可惡雖已正法尙不足蔽辜著該
督查明伊子奏聞發遣並將辦理緣由著各督撫
通行曉諭綠營弁兵使知避賊潛逃希圖倖免不
但戮及其身卽其子嗣亦難邀寬宥庶懲一儆百

不敢復蹈惟怯惡習

嚴行勅諭絲營兵兵外收撥想潛滋命圖幹決不

督查閱坤干 備發畫並保轉駐絲由著各督撫

委辦無誤餘為何惡報日五去尚不日補率著

向來整吏率勸向且哨台五去兵高大崇以先兵

天賦具交濟精絲內著軍與與具命各差時以具

欽定平定臺灣紀畧卷四

事四嘉未舉漢高志賦五

不敢移厚惟性惡習

Faint vertical lines and ghosting of text, likely bleed-through from the reverse side of the page.

